

Laman Tafiqquh

**Keistimewaan & Keajaiban
al-Quran**

Maksud firman Allah SWT...

"Dan al Qur'an itu adalah kitab yang Kami turunkan yang diberkati, maka ikutilah dia dan bertakwalah agar kamu diberi rahmat."

(al-An'am :155)

- **Al-Quran merupakan kitab ilahi iaitu datangnya dari Allah yang tidak ada keraguan padanya. Ia adalah kitab yang terpelihara dan merupakan kitab mukjizat yang terbesar dikurniakan kepada Rasulullah yang mencabar kekuatan dan pemikiran manusia. Manusia tidak mampu untuk menandingi al-Quran sama ada dari segi bahasa, makna dan cerita-cerita yang terkandung di dalamnya.**
- **Al-Quran merupakan kitab yang mudah difahami dan jelas maksudnya. Ia mengandungi aspek akidah, ibadah, akhlak dan perundangan. Al-Quran memberi dalil-dalil yang jelas tentang keesaan Allah. Begitu juga al-Quran mengandungi syariat dan peraturan untuk kehidupan manusia.**
- **Gaya uslub dan ketinggian hikmah yang tiada tandingan yang terdapat di dalam kitab ini adalah bukti yang amat jelas bahawa ianya adalah kalam suci Tuhan. Sebagai tambahan, kitab ini mengandungi ciri-ciri keajaiban yang membuktikan bahawa ianya adalah wahyu kudus dari Tuhan.**
- **Satu dari ciri-ciri ini ialah kenyataan bahawa sejumlah kebenaran saintifik yang hanya mampu disingkap melalui kemajuan teknologi di abad ke 20 ini sebenarnya telah pun diungkapkan di dalam Al-Qur'an 1400 tahun dahulu. Banyak fakta-fakta saintifik yang dinyatakan secara jelas dan dengan cara yang amat mendasar dalam surahnya hanya mampu disingkap melalui kecanggihan teknologi abad ke 20.**
- **Al-Quran bukan sahaja membincangkan tentang persoalan Islam semata-mata malahan lebih daripada itu. Ia turut merungkap keajaiban astronomi dalam penciptaan alam semesta, keunikan biologi dalam proses kejadian manusia dan macam-macam lagi.**
- **Penurunan al-Quran merupakan nikmat yang terbesar dikurniakan Allah kepada umat Islam. Oleh itu, kita harus bersyukur dengan membuktikannya melalui taat segala perintah al-Quran dan mengamalkan ajaran-ajaran yang terkandung di dalamnya serta berusaha untuk mendalami dan mengkaji al-Quran.**